



THE DAYBREAK.

"Wankantanhan Anpao kin hiyounhipi"—Luke 1: 78

WOKAJUJU 50 CENTS

Santee, Nebr., July-August, 1930

VOLUME XLI, NUMBER 5

ASHLEY HOUSE CORRESPONDENCE SCHOOL REPORT

April, May, June, 1930

Wi yamni kin hena el wicaša 24 woonspé
111 econpi, na leepi:

Caje	Woonspé tona	Grade
Asa Ten Fingers.....	12	B+
Isaac Yellow Robe.....	12	B
John Staring Cloud.....	11	B+
Joseph Two Bear.....	11	B+
Irving J. Campbell.....	8	B+
Walter Williams.....	6	B-
Patrick Shields.....	5	B+
Albert LaPointe.....	4	A-
Moses Quinn.....	4	A-
James Renville.....	4	A-
Wilson Knee.....	4	B
Allen Last Horse.....	4	B
Fred Standing Soldier.....	4	B
Philip Dillon.....	4	B-
Joseph Paints Yellow.....	4	C
Amos Ghost Bear.....	2	A-
Dan Red Buffalo.....	2	A-
Sidney Bearsheart.....	2	B+
Herbert H. Welsh, Jr.....	2	B+
H. B. Red Star.....	2	C
Richard Howard.....	1	A-
Jefferson King.....	1	A-
Johnson Brown Eagle.....	1	B
Abraham S. Horn.....	1	C-

Standing Rock, 5; Rosebud, 5; Pine Ridge,
4; Corn Creek, 3; Sisseton, 3; North Dakota,
3; Minnesota, 1.

CORN CREEK

Church of Inestimable Gift.
June 1930

Oiglakapi.

Dear Anpao Kin:

St. Andrew Sunkakiciyapi oitan-
canpi: 1. Jacob White Eyes. 2. Fred Stand-
ing Soldier. 3. P. C. Brugier. 4. James Holy
Eagle. 5. Allen Last Horse.

Owancaya Omniciye oitancanpi kin: 1. Fred
Standing Soldier. 2. Peter Bull Bear. 3. Ja-
cob W. Eyes. 4. Mrs. Alice Brugier. 5. David
Long Skunk, Angeline S. Bear.

Winyan omniciye oitancanpi kin: 1. Emily
Shaw. 2. Sarah Turning Holy. 3. Mary Long
Bull. 4. Bessie Black Horn. 5. Eliza Prairie
Chicken, Angeliq F. Thunder

Tecapi omniciye oitancanpi kin: 1. James
Holy Eagle. 2. Angeliq F. Thunder. 3.
Owen Last Horse. 4. Angelic Shaw. Na le-
hantu kin womnaye el \$17.00 yuhapi.

Koska omniciye oitancanpi kin: 1. Archie
P. Chicken. 2. Howard Flying Horse. 3. Al-
len L. Horse. 4. William W. Wind Horse.
5. Levi Long Bull.

Okolakiciye wakan etan womnaye tona econ
wicašipi hena iyuskinyan ecen econpi e An-
pao en wanlakapi.

Hehan Rt. Rev. Bishop Roberts oyanke
ecen omani na taku owasin tanyan ableza.
Heon taku tanyan šni hecinhan ito apiunki-
yapi kta wašte. Na tipi wakan hena ota hoin
wiyunpi šni waniyeta ota, toka kagapi hehan
wiyunpi. Wanna iyuha šeca. Maza iyokatan
owasin našlog au Hena apiunkiyapi kta, na
ohomni takuni apaza šni. Conkaške ohomni
ehanna han tka toka kagapi qonhan, is eya
wanna iyuha ponpon yunka hanhan. Hececa
kin on imahel owohe šma, tanyan šni. Na
lena Bishop wanyaka, na wiyunpi wašteka na
ohomni can ojupi wašteka keya, na econunš-
pi. Heon iyuskinyan iyokipiya tipi wakan lel

tona iyowajapi hena ptaya iwoglakapi na ecen
econpi. Unkan he wašte e wanunyankepi.
Bishop tokata tipi wakan atonwan kinhan
ohomni ko iyuha wašte na wiciyokipi wanya-
ke kte na he wopila. Maka iyutapi 30 sam
iyeya canojupi hiyoipi, Mr. Edgar Fire Thun-
der na Mr. Daniel Black Horn. Wanna can-
wape toya uye.

Winyan omniciye tipi tawapi kin apiyapi
kta na wiyunpi kta. Nakun timahel ska aba-
šlutapi kta on wamnakiyapi, wanna mazaska
opawinge isam yuhapi. Taku owasin tawacin
wanjila el ewacinpi can telike šni.

WICATA OYAKAPI

Wikoškala num lecala wicunhiapi na maka
akanl ni unqonpi kin lel om unqonpi kta wa-
šte he ognayan owicunkihanpi. Tiwahe non-
pin woiyokišee yuhapi, tuka hena Christ Oko-
lakiciye wakan tawa kin ohlateya iyeiciyapi
na waanagoptan unpi hecapi.

Tokaheya Mr. na Mrs. David Black Hawk
eunwintkupi: Ni un qonhan lowan wayupika,
wocekiye en wištece šni. Winyan omniciye
en wakagege wowacinye. Nakun icimanipi
en ohinni tanyan eawicacian, imna šni se
škan. Wikoška waunšila, wayuonihan, wa-
nahoula, na hena slolunyanpi kin on kici ni
unpi wašteka tka. Tuwe touu na tawacin iye-
ceca wan en un kta hwo. Wayazan en wacin
tanka na walitaka. Deacon wašte hokšila na
tawacin bliheca kici unpi. Wayazan iconhan
wicakici un, wocekiye wowicala, olowan hena
onspewicakiye. Sam hunke šni aye cin icon-
han tawacin entu hea owotannala wacinyanpi
yuha yunkin kta woiyoksape wowahokonkiye
yuha ikiyela un, Rev. Chester Red Kettle.
Iyecen cinyeunyanpi, Rev. Dallas Shaw ohin-
ni wocekiye ekiciye, nakun tancan kičunyan
ekta šna i na Wotapi wakan qu. Tonpi ašpe-
tu iyehan wanna hunke šni oyakapi, tka icon-
han Rev. Dallas Shaw wicohan tawa ognan
omani, Hecen miš wancake ekta wai na ti-
mahel iblable. Wamayanka na ite oiyokipi-
ya makiyuğata ca nape obluspe, taku eya oki-
hi šni. Tka wocekiye ecacian kta wahiyelo
epa na pa kahunka. Wocekiye ecamon na
Wowicala epe kin eya aye kin slolwaye. Itan-
can tawocekiye nakun. Hehan "Nearer My
God to Thee" unlowanpi, na "Amen" unke-
yapi iconhan titaknye napewicakiyuğata na
ahwayela ataninšni iyaya.

Emily Black Hawk he Philip station etan-
han. Heon Rev. P. C. Brugier hihunni na
cantesicapi wocekiye hena ewicakiya, na Wo-
wapi wakan wicakiyawa na wokicanpte eya.
Awanunyakapi en Rev. Brugier unkiyopeyapi
un, na he wopila akiktonš pica šni; Wocante
šica akipapi icunhan Wacekiye wicaša en wi-
cakici unpi kin he wašte e owasin slolyayapi.
Cinye Rev. Dallas Shaw wicata en un tu-
ktekte na nape en yus yankapi na ecen tapi.
Hena hunkake tokel okihi anpetu lehanyan
akiktonjapi šni.

Ho, cinye wicawaya hena ataya wicablaoni-
han. Nonpin wicata en ohinni wicikiyela un-
pi na nonpin wicahiapi en okiciyapi na wowa-
hokonkiciye on okiciyapi. Na lena owasin
hena slolunyanpi.

Wikoškalka unma kin he Rev. na Mrs.
Amos Ross takojapkakupi. Atkuku na hunku
hena Mr. na Mrs. Owen Ross eepi.

Continued on Page 2

PINE RIDGE

Great Annual Meeting of the District. All
the clergy and Catechists and many delegates
from all parts of the district were present.

June 27, 7:30 p. m. Evening Prayer. The
Rev. Amos Ross preached the opening ser-
mon. The sermon was excellent and the large
congregation was very attentive.

June 28, 7:00 a. m. Celebration of the
Holy Communion, Rev. C. H. Wolf celebrant.

9:30 a. m. Prayers and the annual Address
of the Priest in charge. It was a very inspir-
ing address.

2 to 5 p. m. was taken up with the business
of the Church. This meeting was held in the
basement of the Church. At the same time
Mrs. Nancy American Horse presided at the
meeting of the women from all the chapels
and stations.

7:30 p. m. Evening Prayer. After service
reports were brought in from the following
organizations:

Eastern Christian Unity

Western Christian Unity

Bishop Hare Chapter, B. S. A.

Tuttle Chapter, B. S. A.

The members of the Pine Ridge Mission
Council.

Mr. Water, Chairman of the Finance De-
partment, made a full statement of the money
received during the Convocation year. He
also made a fine appeal for business methods
in Church work.

The Priest in charge was presiding officer,
assisted by the assistant priest. Mr. Asa Ten
Fingers was elected secretary, and he appoint-
ed Mr. Charles High Crane for his assistant.

7:00 a. m. Sunday June 29. Celebration of
the Holy Communion. Rev. Nevill Joyner,
celebrant.

10: a. m. Full Morning Prayer, and a mar-
velous Sermon by the Priest in charge. The
banner is given each year to the congregation
that raises the largest amount over the assess-
ment for the Convocation year. St. Philip's
received the banner again this year. Immedi-
ately before the ten o'clock service the whole
congregation, with the clergy and catechists
in vestments, marched around the Church.
Mrs. Nancy American Horse carried the ban-
ner for St. Philip's. St. Philip's has raised
this year for N. W. C. and N. C. F. \$155.50

CORN CREEK

Winyan wašte heca wan ta na he Mrs.
Annie Kokab Wošica ee. Waniyetu 58 hena-
keca, na June wiyawapi 6 ehanl ta na 7 kin
ogna Trinity chapel el hapi. Wošna kaga wa-
awanyake, Rev. Dallas Shaw, he yuonihanyan
wicašipi wocon kin ecakicon.

Hinhnaku wicaša wašte kin wotehi aihpeya
na cinca nom nakun wablenica ehpeya iwica-
yaye. Unma wica, Albert Troubles in Front,
na he tawicu yuke na cinca wanji. Unma is
winyan, na he Mrs. Annie Little Crow eciya-
pi, cinca nom ni unpi na he unma hokšila,
Louis na wincincala kin Dora. Lena kunš-
tknpi ihakiktapi tka.

Lakota winyan wowapi yawa okihi šni tka
Taku Wakan wicalapi wicakapi he wanji ee.
Woyawašte ehan i kta ecinpica.

Allen Last Horse.

Nitakoda Anpao yuha he. Cinyakiye cin-
han watekšte.

Omaka wanji kinhan kašpapi zaptan.

ANPAO KIN

(THE DAYBREAK)

SANTEE, - - - NEBR.

Millard M. Fowler, - - - - - Publisher

ANPAO—THE DAYBREAK, is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Executive and Editorial Office, Mission, S. D.
REV. PAUL H. BARBOUR, Mission, S. D. }
REV. P. C. BRUGIER, Martin, S. D. } Editors.
REV. H. H. WHIPPLE, Greenwood, S. D. }

ENTERED at the Post Office at Santee, Neb., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

The months in which the Anpao is issued are: Jan.-Feb., Mar., Apr.-May, June, July-Aug., Sept., Oct.-Nov., Dec.

Wi akenonpa (one year eca) kašpapi zaptan kajujupi kta.

Wi wikemna nonpa sanpa topa (two years) eca mazaska wanji kajujupi kta.

Money Order, Mission, S. D. on opeton-pi qaiš wowapi askape Rev. Paul H. Barbour yekiyapi kta.

CONVOCATION

Tokata Anpao kin el Convocation el taku econpi kin oyakapi kta.

Le el 1929 na 1930 el womnaye qupi kin unyutoninpi:

	1929	1930
Wicaša	\$381 81	\$736 31
Winyan	2961 06	3403 72
Tecapi	922 05	767 74
Ataya	\$4264 92	\$4907 77

WICAŠA OYAKAPI

Continued From Page 1

Wikoška owanyag wašte. Winena heca, toka. Woonspe kuwa na wanna ikiyela un tka icunhan wayazan na woonspe nakišna. tka miš oowa hee šni wicawala. Wicotawacin tawa kin hee ca en woonspe iyotan wašte hena yuha on na hena iyotan kin ee ca yuha tunkašitku, atkuku, hunku na kunšitku ohinni wicagluonihan, owasin anawicakigoptan. Wao-holapi wacanta oknaka, lila waonšila. Rev. Amos Ross iyohlate icage kin on Christian-oun kin okna awacinyanpi. Woekiye nahon icage cin on tawacin wašte, kiei ni unpi wašte ka tka. Miš tohan wamayaka ca kaihayase itkomakipe na nape mayuze sa qon awektonja owakihi šni.

Waziyata Canada makoe ikiyela atkuku oyate toktokeca egna wowapi kaša wowaši econšipi e hesiya tiwahe tawa gluha. Ieunhan cunwintka wayazan na omaka wanji hehanyan owayazan tipi en awanyakapi. Wašicun wošna kaša ohinni en wanyag hi na ohinni Wotapi Wakan qu, hecen tawacin kin sampa na sampa wowicala, tawa kin en aicaga hecen oyakapi.

Wicaša kin he tehike eša imahel wowašte kin he kape pica šni.

WINCINCALA WASTE TE

Mr. na Mrs. Edgar Fire Thunder takojakpapi; na hunku atkuku, Mr. na Mrs. Philip Blue Bird eepi. Anpetu conala wayazan hinga na ohankoya ta. Hececa on lila wotehi kilapi. Iennhan kunšitku, tunkašitku hena ksabyahan en gluha yankapi. Iyucanyan blesyahan taku owasin owotannala awacinpi na eecen econpi. Ieunhan takuwicaye na ikiyela tipi kin oihauke ihunniyan owicakiyapi na wicakicanptapi. He wašte on wacintankapi e owasin he slolyayapi.

Ho po, Young People yaunpi kin, misun tankši Anpetu wakan can tipi wakan en cekiyu piye. Woekiye cola tanyan yaunpi oya-kihapi šni. Allen Last Horse.

TIPI WAKAN KIN

Tipi Wakan kin itimahed taku tona yanke cin hena toked kapi kin unkabdezapi kta.

Timahentu kin ataya en Wahna-Wošnapi (Altar) kin hececedan iyotan itancanya han ece. Heon Wahna-Wošnapi kin he okitaninyan tehanwankan ehdepi ecee kin hee, canicipawega kin, qaiš canicipawega qa petijanjan skaskadan (Cross and Candles) akan he cin dena on eciyatanhan, wookinihan qa tohanyan oyanke tawa kin yaotaninpi. Tipi Wakan ohna timahed iyayapi kta tiyopa kin hetanhan Wahna-Wošnapi kin hehanyan okitahedan canwinja yamni icitakihna owecinhan kokam wanke. Otoiyohe wotanin-wašte wan nina tanyan oyakapi kta yuhapi.

Canwinja (floor) yamni icitakihna owecinhan wanke kin dena, wiconi on oun yamni kin hena pazopi. Tipi Wakan timahed canwinja tokaheya wanke cin, omniye (congregation) oyanke tawapi kin hee, he dehan wiconi en unqonpi kin eekiya najin. Okodakiciye Wakan makakan okicize en un (Church Militant) kin he unkiyepi. Okodakiciye Wakan kin, woštani maka kin de, qa wakan šica hena kipajinya wekicize eecen.

Canwinja inonpa wanke cin he, woekiye on down ošpaye (choir) oyanke tawapi kin hee, tona wiconi kin detanhan "Wowaste makoe" (paradise) ekta unpi kta iyayapi kin eekiya najin, wicanagi qeya Christ, opewicaton Wakantanka taninyan wanyakapi kta apo unpi kin hena eepi. Okodakiciye Wakan waakipe unpi (Church Expectant) kin heepi:

Canwinja iciyamni wanke cin he, woohoda oyanke (Sanctuary) kin hee. Wowanyanke itancanya kin, 1 John 3:2, hen, "Tuka Wakantanka Iye ihdutanin kinhan iyeuncecapi kta e sdonunkiyapi; he token un kin wan-nyakapi kta nakaš." Tona wowicake kin de ataya, pawankanyusapi kta okihihi kin on kagapi kin hee, Okodakiciye Wakan Ohia (Church Triumphant) kin eekiya najin.

Omoniye (congregation) oyanke tawapi (Nave or Church Militant) hetanhan woekiye on odowan ošpaye (choir) oyanke tawapi Chancel (Church Expectant) hehanyan oiyadipi (steps) yamni.

Woekiye on down ošpaye (choir) oyanke tawapi (Chancel or Church-Expectant) hetanhan woohoda oyanke (Sanctuary or Church Triumphant) qaiš Okodakiciye Wakan Ohia kin hehanyan oiyadi (step) wanji. De Wakantanka wakašote šni wanvakapi kta cin hee, Christ, inonpa u kte cin (Parousia) qaiš Woyaco Anpetu kin hee.

Tuka ehake Wahna-Wošnapi kin (Altar) aiyahdeya oiyadipi (steps) yamni yanke, wanji tokaheya kin hetanhan Wowapi (Epistle) kin yawapi ece, inonpa kin hetanhan Wotanin Wašte (Gospel) kin he yawapi ece, iciyamni kin he en Wowicada (Creed) kin he eyapi ece.

Decetu kin on Tipi Wakan kin mahed unkihi kinhan he ed woohoda qa wookinihan unkuhapi kta iyeececa.

Tokaheya kin: Omniye (congregation) oyanke tawapi (Nave) kin he tuwa kašta ed yapi kte cin he hecetun.

Inonpa kin: Tuka tona Baptisma Wakan icupi kin henana, down ošpaye (choir) oyanke tawapi (Chancel) kin hee imahed yapi kinhan wašte kta.

Iyamni kin: Wotapi Wakan icupi ece kin heca ececedan tohan Wahna Wošnapi ohomni owicohan wanji econpi kte cinhan hehan ececedan woohoda oyanke (Sanctuary) kin imahen tona wicohan wakan on yuwakanpi kin (Wošna kagapi qa okiyapi wicakalniže cin) yapi kinhan wašte kta.

Irwin St. John Tucker in *The Witness*.

Flandreau, S. Dak., April 5, 1930.

March 3, 1927, he ehan Clarence Rudolph tonpi, qa Feb. 24, 1930, hahan ta. He Joe qa Victoria Kitto takojakpapi, qa Jeannete Kitto he cinca tokapa. Hoksidan kin de hunku, kunšitku, qa tunkunšitku tehindapi, qa tohan ta unkan nina ceya unpi, qa Episcopal Ska in okodakiciye kin en wicahipi qa owicakiyapi. Joseph C. Taylor.

Anpao duha he? Duhe kte iyeececa

CORN CREEK

Owancaya Omniye econpi, Gethsemane Chapel oga July 11-13.

Woyuonihan wanji econpi. Samuel Broken Rope waniyetu 30 Okolakiciye wakan kin el wowaši econ, na he asuikiye kin on yuonihanpi. Rev. Amos Ross, Philip Blue Bird, na Edgar F. Thunder, na he anpetu otokahe el winyan okinihan Okolakiciye el opa on takuni el ye šni ecela wacekiyapi el ya heca. Mary Yellow Bear, he ehanni škokpaya, oyate wan ewicakiyapi hel bihnaku kin he wicaša itancan heca tka ehanni is eya maka wiconi kin ayušan, na he cinca wica wanji na winyan nom hecel wocantešica yuhapi na hena nakun wokicanpte woekiye ewicakiyapi.

Anpetu wakan wote šni Wotapi Wakan icupi, na el Rev. Dallas Shaw na Rev. P. C. Brugier hena wocon lena econpi na wowahokonkiye wašte eyapi na oyate kin nahon iyokipipi. Nakun Sunday School yuhapi na teea omniye econpi na ewicoti el ikpanopi. Rev. Chester Red Kettle hena om škan, na hena el Convocation ekta yapi kta on mazaska tokel gloyapi kte hena ko iwoglak škanpi.

Na Owancaya omniye kin \$100 yuha, na he woopo aicicagapi. Tohanl henakeca yuhapi eca \$50 Corn Creek field el wawokiye wowaši unpi kin wicakupi kte na is iyeeel tukte tipi wakan wanji el taku iekije kin hena qupi kte eyapi, na he ecel econpi.

Hehanl mitakuye nahon po: Oglala oyanke na Sicangu oyanke henaos eicapi kte. Moses oyate eya makoe wan wašte ekta awicaye, tka anpetu wanji el Moses Paha ekta woekiye eyin kta iyaye, na tehan gli šni. Unkan pteineala wakagapi wan kagapi na okšan yugal eekiya lowanpi na wacipi ehanl Moses wanwicayag gli najin na he el tokel tawacin, tka Taku Wakan kin iyoki šni oyate kin onšiwicakila. Nahankhein Wakantanka slolyapi šni on heconpi keya. Mitakuye, tona Okolakiciye wakan el oyapapi hecinhan el ecela wicala unpi ye, na hecela eekiya unpi ye. Na hehanl Corn Creek Mission le el wošnakaga waawanyaka wašte unyuhapi, Rev. Dallas Shaw hee. Omaka wanji mazaska tona kičun unšipi kin oyate awanwicayaka kin lila iyowicapaštaka, canke ohinni sam iyeya ece kičunpi. Heel niš eya oyanke ecel wicaluhapi kin heconpi na is eyapi kin ecaš oyanke iyohi womnaye kin tanyan econpi kte seca ecamin. Heon le eyawapaha, nakun heniciyapi šni eyaš wanna slolyayapi naceca. Heon tanyan econ wacinpi ye tokel Corn Creek Honor Roll el wicayutoninpi kin ecel owa yanke wacinpiye. J. P. Y.

ST. MARY'S SANPA TANKA QA SANPA WASTE KTA ON

St. Mary's oyate owicakiyapi kin toked wayawa tipi kin iyopte qa wanke qa takuku on wawokiye kta wanka hecinhan hena oyate sdonypapi hecinhan sdonunyanpi šni. Tuktekted taku wašte wan untipi ikiyedan wanke kin hena unkabdezapi šni, ed tanyan unkabdezapi šni ecee.

Taku wanji tokaheya qa ihankeya wankad wapa wikoška onspewicunpiyapi kta unkuwapi kin he tawacin tawapi qa nagi tawapi tukte ohna tanyan hduhapi kte kiu ee, qa taku tokeca yuhukud iyeye kte šni ohna unkuwapi. Hehand taku inoupa kin he wikoška kin hena iye toked waihduecanpi qa oiciyapi kta unkuwapi kin ee. De hekta omaka wikoška den taku tanyan onspepi kin tanyan tanin. Tohand wikoška tokeca wanji hi eca wicohan qupi keš okihi šni ca tokeca wanji den ehanna tanhan wayawa wanji wicohan kin qupi eca tanyan eced econ ecee. De woonspe kin ikce litanipi kin heca, qa he nakun tanyan ed onspewicunpiyapi unwacinpi. Taku wanji uncinpi kin he wikoška kin hena tokiya kipi kinhan taku econpi kta iyeecece kin hena wanyakapi qa hena eced econpi kte kin hee. Hehand taku iyamni unkuwapi kin he wowapi eciyatanhan tanyan waonspepi kte kin ee. St. Mary's wayawa tipi de titanhan (public school) wayawapi taku tona onspewicakiyapi hecinhan ija den hena onspewicakiyapi, qa nakun waonspewicakiyapi (teachers) owasin wikoška tukte ohna tanyan waonspepi kte he ohna otoiyohe ed tanyan ewicatonwanpi.

St. Mary's wayawa tipi kin itkee wayawapi woonspe (grade school) etanhan ayuwankand iyeyapi qa Junior High qa iyeced High School heca icağa, qa he woonspe isakowin, isahdogan, inapcinwanka, iwikeemna, iakewanji qa iakenonpa henakeca. Hekta waniyetu zaptan hehantanhan woonspe itopa, izaptan qa isakpe hena elipeunyanpi, qa iwikeemna, iakewanji qa iakenonpa kin hena ee unkiupi.

Wayawa tipi de South Dakota woonspe ookuwa tawa kin unhapi. Woonspe ookuwa unhapi kin heon sanpa wicohan tanka qa tke unhapi, tka Dakota wikoška den hipi kin hena atokan, wasicun wayawapi token woonspe yuhapi kin, he iyeced den waonspepi kta uncinpi. Okini deon tuwe tokye wiyukcanpi kta naceca, tka wikoška den wayawapi kta hecinhan qa oyate tawapi ed wowacinye unpi kta unciupi hecinhan takomni woonspe ihankeya wašte wan wicunqupi unwacinye kte.

Wikoška wanji tohand St. Mary's den woonspe ihunni kinhan wayazanka awanyaka (nurse) woonspe tipi heca ed katinyan kagišniyan (without an examination) iyaye qa heca onspeiciye kta okihi, qa nakun cin kinhan South Dakota makobašpe ed ihankeya woonspe tipi wakantuya yuhapi kin ed katinya iyaya okihi. Tohand Dakota wikoška woonspe wašte yuhapi kin he sdonkiyapi eca icantewaštepi, toked on hecece kin he unmapi, wasicun ko, toked woonspe yuhapi he ija iyeced waonspe kin heon hececa. Dakota wikoška woonspe wašte on katinya sanpa yapi kta okihi pi sdonkiyapi on sanpa woonspe wankandkiya ye wacinye kte, qa on eaje wašte icicagapi kta qa oyate tawapi ed wayuwaštepi kte.

Wanna St. Mary's wowapi woonspe eciyatanhan tanyan najin kin, he icahda nakun taku onspewicunkiyapi unkuwapi kin he wicohan woonspe, taku ltanipi wanji onspepi kte kin hee. Hecen wicohan wanji tanyan onspepi kinhan nakun wakagegepi, waspanyanpi, wayazanka awanyaka qaiš waonspekiya dena wanjidan eonpi okihi pi šni ešta nakun iye wicohan tawapi kin heon niiciyapi kte. Heon den St. Mary's ed woonspe etanhan toktokeca wikoška kipipi kta onspewicunkiyapi uncinpi, hece tiyata kipi ekta hena owicohan ohna unpi kte. Tona den waniyetu tona unpi kin hena wakagegepi, waspanyanpi qa tiwahe yuhapi okihi pi kta heced wicaundapi. Unkan wikoška hena tanyan ltanipi kta onspepi kinhan wicohan iyeyapi kinhan tukted unpi kašta iye niiciya okihi pi kte. Kodawicunyanpi ongo deon taku eyapi kta yuhapi hecinhan unkiyapi kinhan icante unwaste pi kte.

Wikoška kin itkeeya tka tanyan ihduzapi kta unspewicunkiyapi kta unkuwapi. Hekta waniyetu heehan itkee hiyakon (Cotton stockings) unpi kta wope wicunqupi, tka cinpi kinhan ee Anpetu wakan eca qa nakun skatapi (Parties) ed hiyakon wašte hea unpi kta okihi pi. Wikoška hiyakon wašte hea (Silk stockings) ecece on hipi qa tohanyan itkeeka (Cotton stockings) icupi šni hehanyan heca ecece unpi kta iyowinwicuunpi. De tokata waniyetu kinhan wikoška inawicayapi (Mothers) hena hiyakon iteeka (Cotton stockings) iyena unpi kta iwicaciupi kta unkiupi, qa taku ocon kta (Parties, Sundays) on hiyakon wašte hea (Silk stockings) unpi kta iyena nakun wicacupi kta unkecinpi. Nakun taku wanji yuha unpi kta iyeccece kin he canšinhampa itkeeka qaiš unma hanka heca (Rubbers or golashes). St. Mary's den wayawa unpi kin hena tohand holpa woyazan (Tuberculosis) he tanyan tonipi kin ed tanyan icağa okihi kin he icunhan hipi. Aškatudan iwan-yakapi (Survey) unkan Dakota wakanhejapi kin ataya kinin holpa woyazan kin he icalitakapi heced iyeyapi, ecin wakanheja he icunhan toka icağa ecece. Unkan wakanheja kin hena tanyan awanwicayakapi šni, woyute iwaštepi kta qa oniya wašte, hena ohiniyan wicacupi šni kinhan tohand wanna waniyetu ake, nonpapi hetanhan akešakpepi (Twelve to sixteen) he icunhan woyazan kin he wašagya icağa ecece. Wikoška kin hena waniyetu hena-kecapi icunhan holpa woyazan kin icupi šni kinhan akeš ye qa waniyetu wikeemna nonpa (Twenty) he sanpa iyayapi eca hed ake nina wowaši eonpi qaiš tukte ohna kiunniiciyapi eca behand ake woyazan kin he wašagya itkob

hdieu ecece. Unkan wikoška kin hena woyazan hececa icupi kta iyehantupi icunhan nina tanyan zaniyan awanwicunyakapi kta unkita-wacinye na heced unkuwapi. Zaniyan unpi kta on ohinni tankad oniya wašte ekta unwi-cunkiyapi. Unkan mağaju qaiš wa icunhan tankad unpi kta on, wikoška otioyohi canšinhampa (golashes) unpi kta iyeccece. Tohand nina osni eca wikoška kin hena timahed (Gymnasium) ohna skatapi (Exercise) heconpi kta wašte. Detanhan waniyetu ota šni ecece St. Mary's oškate tipi (Gymnasium) wanji yuhapi nin unkecinpi. Tuwe kašta taku owasin tanyan eon kte kinhan takomni tancan wan zani yuhe kte.

Taku wanji nakun nina tanka qa he St. Mary's den wikoška wayawa unpi kin hena tohantu wan koška nina ed ewacinye ecece kin wahehantupi, tka he icunhan den ishana wayawapi on koška wicotawacin kta tka qon hecece ee on wocekiye eciyatanhan qa nakun taku iwaštepi kta onspeiciyapi. Wikoška wan tanyan woonspe eciyatanhan ihduwiyeya šni eced hihnaton kinhan tukten un kin ed nina hea wowacinye kta ohihni šni, qa wanji woonspe wankantu (High school) ihunni kinhan hee wowacinye tanka kta okihi. Wikoška woonspe wašte yuhe kin iye tipi qa oyanke tukten unpi ed wowašte eon okihi.

St. Mary's owayawa kin de wope oya kuwapi kta qa ahopapi kta qeya unqupi. Unkan wope kin heca ahounpapi kta Dakota inawicayapi (Father and mother) ataya wacimunnianpi, oonyakiyapi kinhan heced taku tona woonspe tipi de kuwa kin hena eonqonpi kte. De wikoška den wayawapi hunkakepi ecedan wicakapi šni, tka South Dakota itimahed Dakota cinca yukampi otioyohi wicakapi. De woonspe tipi nitawapi, qa woyaninhan tawa kin iyoniwajapi. St. Mary's wayawa tipi kin de wanjidan iyeccece šni makoece tanka kin de imahed, taku kuwa kin he, wasicun woonspe oakuwa tawapi kin yuha, waonspekiya ihankeya wašte wicayuha, woonspe wowapi wašte hea ecece yuha, dena icahdaya nakun wikoškapi kin wicohan woonspe onspeiciyapi qa wocekiye eciyatanhan wicakaoonspe. Unkan ataya ounkieyapi kte qa woonspe tipi de wope tawa qa taku tona kuwa kin hena eced hdušan qa hduhe kta unkapatanpi kte.

Helen H. Elliott, Principal.

WOSNA KAGA AWANYAKA KIN WOGLAKA

Rev. Robert Benedict

Anpao el iapi kahniğa itancan kin Anpao wowapi el St. Mary's owayawa on takun eye masi, na hecamon kta lila iyomakipi, owayawa kin on token iblukecan kin owaglaka kta heon.

Le lawapi kin ota St. Mary's owayawa tehan slolyayapi, tka icunhan miye lila hea tanyan osolowaye šni tka nakaha aškatudan lehand slolwaye. Hece taku wan slolyayapi šni wan oeciayakapi kta owakihi šni. Tka miye etkiya St. Mary's takuseca hecinhan he owaglaka wacin.

Tokaheya kin el taku oeciayakapi wacin kin he, St. Mary's en onpa miye kin he lila icantemawašte, na Niobrara Deanery el wakanheja ota slolwicaya able kin he nakun on. Lel wikoška wikeemna yamni lehand unpi wayawa ayušanpi el, na zaptan waniyetu onspadan lel unpi. Tokatakiya waniyetu u kte kin he na el wikoška sanpa ota lel unpi nin ecamin.

Ecine St. Mary's lel wikoška nitawapi hena tanyan waonspepi kta yupiya wiyeya wanka. Lel 7th na 8th woonspe hena icupi okihi pi, na nakun woonspe wakantuya (High school) tuktetu kašta yuhapi he iyecen lel unhapi, na he tokatakiya tonipi el wowaši eonpi kta tanyan owicakiye kta na tipi el na oksan unpi ehna el tanyan igluhapi okihi pi kta, na nakun cinpi kinhan wowaši ounspe tokoca wanji el iyayapi okihi pi kta.

Nakun isakimya, Christian hecapi kta el etouwe wicakiyapi na onspewicakiyapi.

Lena taku kin, oun wašte wan el yuhapi kta, na tuktetu kin el taku token wanke kin hena el opapi kte na wayawa tipi el tanyan otipi kte, na oiyokipi waštešte yuhapi kte, na kodakiciyapi waštešte kagapi kte.

ST. MARY EN WOCEKIYE ON WOONSPE

St. Mary's en wocekiye ocaje woonspe qa wiciyokihi kin unkiupi. Taku tokaheya qa iyotan takulica eonpi kin Anpetu wakan wocekiye hee. Anpetu wakan iyohi tipi wakan ohna wihiyayena 7:30 a. m. hehan Wotapi Wakan icupi ecece. Hahanna wocekiye opapi kin de taku otakiya ociwašte on iyokihi. Taku wanji en iyotan kecanmi kin he tohan wocekiye eonpi kin he hahanna eciyatanhan. Unkan otowwe en tuwena kiktapi šni hehanyan, taku owasin ainina qa ahibayena wanka, wicotawacin kin teca qa wowiyukecan toktokeca ota kin heon wocekiye en iyuskinyan awicakehan awaciniye kte.

Wihiyayena 9:45 a. m. oape kin he ohna St. Mary's opapi cincapi qa wayawapi hena om tipi wakan en Okodakiciye wakan on waonspewicakiyapi. Woonspe kin de en wicincana owasin ošpayetonton wayawapi ohna ewicahnakapi qa okodakiciye opa wanjikji ecece onspewicakiye.

Wihiyayena 11:00 a. m. oape kin he ohna tona opapi owasin yuwitaya hahanna wacekiyapi, Wowapi Wakan, Okodakiciye wakan qa tawicohan woonspe waštešte omniye de en unkiupi ecece. St. Mary's en wicincana taku iwaštepi kta icupi kin tukten isanpa iyeyepica šni Dakota tipi wakan hiyeye kin ekta. Unkan he de Anpetu wakan iyohi Wotapi Wakan icupi kin hee. Dakota oyanke owasin kin nin en wi wanji en Wotapi Wakan icupi ecece.

Akilihaniyapi icunhan Anpetu inonpa iyohi wihiyayena 4:15 p. m. en šiceca omniye yuhapi ecece. Akilihaniyapi kin de icunhan wocekiye qa wošnapa eonpi ecece. Unkan akilihaniyapi en mniyapi kin awicakehan wayuwašte.

Hahanna qa ltayetu wotapi kin ohakam owaeckiye tipi en undowanpi qa wocekiye unkeyapi, ltayetu kinhan Wowapi Wakan wicoyake ptenyena yawapi qaiš wowapi wanji, nakun Okodakiciye wotanin wowapi hena yawapi ecece.

Owanka yujajapi ltayetu wacekiyapi ohakam wicincana kin hena en yankapi qa Wotapi Wakan icupi kte on ihduwiyeyapi. Waonspekiya itancan kin de awanyake, wowapi unkiyawapi, taku on ounkiyapi kin he Wakan-tanka waunyakapi kin he iyecen waunkicidhakapi kinhan heehan waawauncinpi qa tona unkiyepina unpi hena owicunkiyapi unkihi pi kta.

Mrs. Elliott optenyena wowapi yawa qa wahakonunkiyapi ohakam, wowapi wan "ltayetu Wotapi Wakan," eyapi he token kapi qa token on ihduwiyeyapi kta, he pamnapi. Unkiye woiwange de ayupte unšipi.

Hekta omaka qon heehan St. Mary en Inayanpi kin Wahnawošanapi okodakiciye wan kaga. Tona opapi kin he Okodakiciye wakan en wikoška unpi qa St. Mary's wicincana hena eepi. Taku on okodakiciye kagapi kin, tipi wakan awanyakapi, taku yuwakanpi Wotapi Wakan wakšieca qa mnihihaska hena ee, mniyapi kin de en wiyacinpi onspeiciyapi. nakun wakagegepi tona eonpica hena. Hecen wicincana tona de en opapi hena tohan St. Mary's etanhan kiktapi kinhan okodakiciye tawapi en tanyan wawokiyapi okihi pi kte.

Hekta omaka kin en Waonspekiya itancan kin wacekiye-optaye wan icalhiye, taku on kagapi kin dee; Tona wayazankapi qa wapišniyan unpi hena wocekiye ewicakiyapi kte, wocekiye-optaye kin de anpetu icinonpa ecece mniyapi. Anpetu wakan otahedan kin he is wawokiya-ošpaye kin he mniyapi ecece.

Tona Episcopal Okodakiciye wakan opapi kin hena Wawokiye-ošpaye kin de nakaha wicicage teca tohanyan iyuwašte kin he sdon-yapi. St. Mary's en wayawa ahdi ohakam ptanyetu hehand oitancan wicahdahniğapi, Itancan, Itancan okihe, wowapi kaga qa mazaska awanyaka, dena wayawapi icunhan en itancan unpi kta wicayušanpi. Wawokiye-ošpaye kin tawoonspe kin he Wawokiyapi,

Continued on Last Page.

Wikoškalaka nitawapi wayawa yapi kta on iyagnipi kin, St. Mary's el woonspe eciyatanhan token wanke kin hena akiktonjapi šni po.

Wocekiye qa Odakonkiciyapi, wiconi de en taku yamni itancan hee hena ee.

St. Mary's en Dakota wicincana hipi kin hena taoyatepi kin wocekiye en watokahanpi kin awicakehan onspewicakiciyapi. Wikoška wan de ohna kaonspepi kinhan, taoyatepi qa tiyata okodakiciye tawapi qa iyotan wicaša wakanpi hena cante on ikiciyuškinpi ecee.

Wikoška wan St. Mary's Woonspe en wayawa kinhan he wocekiye owicohan en katin-yan hitani kta iyowinye, he eciyatanhan sdon-yapi ecee. St. Mary's en wayawa heon itokeca he pazopi kte. Tawoonspe kin hena ohna ihduhe kinhan taoyate on iwašagwicaye kte. Emma Ruff.

Ashley House Church History Course

Woospe No. 6

Wahošiyepi Wicoicaŋe Cin

CHD-6

Okodakiciye Wakan kin en wicohan tanka qon he Wotanin Wašte oyakapi qon hee. dehan aiyahdeya eecen wanke. Tona wawahokonkiyapi kin hena ohinni woškiške kiciyankapi ece. Token Juda oyatepi kin wowicakiciyapi kta iyowinyapi ŋni qon he wanunyakapi. Iyokihe woškiške wanke cin he Okodakiciye Wakan kin itimahan tantanhan icage. Juda wicaša tona Christian hecapi qon hena decen canteyuzapi, tuwe Juda heca ŋni kinhan Christian heca heca kta okihipica ŋni keyapi, hecen Ikcewicaša kin Christian hecapi kte cinhan Baki-hdayapi (Circumcision) woecon kin he qa Moses Woope tawa qon hena yuhapi kin hecen eceedan Christian heca hecapi kin kewicakiciyapi. Juda wicaša optaye wan omaka yawapi 50 A. D. qonhan Antioch, Syria ekta, St. Barnabas qa St. Paul hitanipi qon heciya woawacin kin de yuobdecapi kta on waonspekiye hipi.

Decetu kin on Ikcewicaša tona Christian hecapi qon hena nina okakiša ya yakonpi. (O. hanyanpi 15: 1-35 wanyaka wo). Deon tokiyotan woyušan kta on Jerusalem ekta omniciye wan yuhapi, qa St. Paul St. Barnabas unmapi kin om ekta ipi. Tehan wakinicapi, qa decen wayušanpi: Woawacin on nakaha waonspekiyapi qon hena icihnayanpi owicakiciyapi; qa Ikcewicaša kin taku wanjidan cinpi kte cin, he Jesus Christ wicadapi kte cin he. "Taku wakagapi kin, qa we, qa taku weye ŋni yutapi kin, hena itehan yeiciyapi kta e wowa-pi wicakicagapi," qa owotanna ihduhe wicašipi.

Omaka 48 A. D. qon ikiyedan heehan Herod Agrippa Jerusalem en wicašayatapi un. Den Christian kin togwicahda (Ohan. 12). "Qa James, John cinu qon he mazasagye on kte; Peter nakun kte wacin." De woškiške kin on Wahošiyepi kin onge Jerusalem etanhan tokan iyayapi ohutkan kin hee.

Wicaša tona Jerusalem ekta titokankipi icunhan Wotanin Wašte kin nahonpi. qa tiyata hošihdipi qon dena on eciyatanhan Christian waonspekiye qa Wowahokonkiye econpi qon hena nina aowicakiciyapi. Tohan otonwe wanji en Wotanin Wašte kin wanna itokam osdonyapi wan en Yewicašipi qon ipi eca oyate kin Wotanin Wašte kin en sanpa wanahonpi wacin he ohna ece iyewicoyapi.

Wahošiyepi qon etanhan yewicašipi ihankeya tanka qon he St. Paul hee, qa Yewicašipi on oicimani ota econ. Ohanyaŋpi qon en oicimani tawa yamni toketu qon oyakapi unyuhapi.

Omaka 47 A. D. qon ikiyedan heehan toka oicimani econ. St. Paul qa St. Barnabas Cyprus wita qon hen tokaheya ipi, qa hen wawahokonkiyapi qon iyohakam, Asia Minor ito, kah ihanke ekta otonwe hiyeye cin hena ektakta ipi, (Ohan. 13, 14) Otakiya okihiya Tip-Wakan suksutaya ebdepi, qa ota Jesus Christ wicadapi kta en awicahipi.

Jerusalem en omniciye (First Christian Council) omaka qon he icunhan St. Paul inonpa oicimani econ kta iyaye (Ohan. 15: 36-18: 22). Tokaheya Asia Minor en otonwe tona itokam wowahokonkiye econ qon hena ake en wicai, qa hehan Troas, miniwanca watohunni otonwe qon heciya i. Den wowanyake wan en hi qon eciyatanhan miniwanca kin iyuweŋa, qa Macedonia qa Greece heciya i qon iyahde qon hee. Hen otonwe itancan qon owasin iyaza un, qa Okodakiciye Wakan ota ehde. Athens otonwe qon hen nina heca waokihisni, tuka iyokihaya otonwe wan Corinth eciyapi qon en i qon hen nina tanyan wakipe. Corinth en omaka nom ounye, qa den Christian oyanke ataya itancan kin kihde. Dehan hektakiya Jerusalem qa Antioch ekta hdihuni.

Antioch Syria en St. Paul omaka nonpa eecen un qon he iyohakam ake iciamni oicimani econ kta iyaye (Ohan. 18: 23-21: 8). Ake omaka nonpa eecen Asia Minor ekta otonwe qon hena iyaza omani un (Ohan. 19: 10). Hehan Macedonia qa Greece ekta ye kta hecen ihdukcan, qa Ephesus otonwe qon en hitanivicaša qon Christian kin takpewicahipi qon heehan wowiyukan qon he hducetun. Greece ekta wi yamni un qon iyohakam Asia Minor ekta hdi, qa Jerusalem heciya i, qa hen woškiške akiye kte cin wicota iwaktayapi ešta ekta ihdoi.

Oicimani yamni qon dena heehan Christian Yewicašipi qon token hitanipi qon tanyan yuataninpi. Wahošiyepi unmapi qon tokenken hitanipi qon takudan owa unyuhapi ŋni, tuka St. Peter on wicoie tonana owa unyuhapi, qa Philip Diakon heca qon ohanye cigon he nakun (Ohan. 8: 5-40; 21: 8-9). Otonwe wanji en ipi eca otohanhan hec yaŋkonpi, qa otonwe wiaša, qa tona otonwe akan tipi wopeton hipi qon, hena koya wahokonwicakiciyapi ece. Tokaheya Juda kin hena wowahokonkiye wicagupi ece, tuka tohan dena nahonkapinpi eca hehan "Ikcewicaša kin ekta unkihdamnapi" (Ohan. 13: 46). Tukten okihipica eca Okodakiciye Wakan hecetuwanjica heca kta ekdepi ece, qa Huukayapi wicakagapi (Presbyters, Priests wicayuwakanpi). Qa tohantu eca oyanke kin dena iyaza iwanwicayag ipi ece.

Ehanna woyakapi wan decen oyakapi, St. Andrew eciyapi qon he waziyata, qa wiyohi-yanpatakiya Wotanin Wašte on wawahokonkiya, nakun St. Philip iyecen econ, nakun St. Bartholemew; Persia makoce qon heciya St. Thomas hitani; St. Mark Egypt en; St. Simon qa St. Jude Arabia qa Mesopotamia en; St. Matthew qa St. Matthias Africa heciya hitanipi.

Wahošiyepi Wakanpi qon owasin Wotanin Wašte ayapi wicohan kin on wicaktepi; St. John Wotanin Wašte owa kin isnena wiconŋe wicitawa ohna ŋe. Wahošiyepi qon owotanna ihduhapi kta onspewicakiciyapi qon dena on, oyate Wakantanka sdon-yapi ŋni qon token cin. cin onnyapi qon om ecitapapi ŋni kin dena on cantewicahdepi qon he sdonunyanpi. Wowi-nawizi qa wocanze on oyate Wakantanka sdon-yapi ŋni qon waonsidapi ŋni qon hee. Nakun wicaša kin Christian hecapi kinhan wakagapi ohodapi tipi kin hena wowidagiyapi kte ŋni qon he atani, qa deon tona woohoda tannina qon en opapi qon hena canzeŋi, token Ephesus otonwe qon en owodutaton hinnda unkokiyakapi qon iyecen. Hecen woohoda teca onwaonspe-kiya unpi qon dena wicakipajinpi.

WOIWANŋE KIN

- 1 Ikcewicaša Christian hecapi kte qonhan heon token woakinice wan yuhapi he.
- 2 De woakinica kin on tokiyotan wayušanpi he.
- 3 St. Paul Yewicašipi on tokaheya oicimani econ qon he oyaka wo. (Ohan. 13 qa 14 yawa wo.)
- 4 Inonpa oicimani kin oyaka wo. (Ohan. 15: 36-18: 22 yawa wo.)
- 5 Oicimani iyamni kin oyaka wo. (Ohan. 18: 23-21: 8 yawa wo.)
- 6 Unna Wahošiyepi kin tukteken Wakantanka oie kin oyakapi he.
- 7 Tekeca oyate Wakantanka sdon-yapi ŋni kin wicota Jesus wacinyanpi kin anaptapi cinpi he.

ST. MARY'S OWAYAWA KIN

St. Mary's on taku epe kte kin he taku ota on bdawašte owakihi. St. Mary's he wikoška qa wicinyedan eceedan wayawapi, qa taku ota on iwaštepi, token winyan wašte icagapi kte kin hena tanyan onspewicakiciyapi, qa hena tokata winolica wašte qa Christian hecapi kte kin he tanyan sdonwaye.

Miye kin waniyetu ota St. Mary's en wabawa Santee ed St. Mary's he kin he ehan, qa token taku onspemakiciyapi kin hena token imawašte kin hena tanyan sdonwakiya. Heon anpetu kin debanyan St. Mary's owayawa kin he nina tewahinda. Tokata wicinyedan tona he en unpi kin hena wikoška wašte wacinyepica icagapi kte cin he wicawada.

Heon tona Skain en onupapi kin hena unkieincapi hena St. Mary's ed wayawawicunkiyapi kta iyecece, qa token sanpa wašte kta iyecece kin he ed waounkiyapi kinhan wašte kte. Ohinni ed wai ecee qa token unpi kin hena tanyan sdonwaye. Waonspekiyapi kin hena winyan wašteŋe qa Skain opa wicakapi hecapi qa wikoška kin hena tanyan waunspewicakiciyapi. Hecen tona Okodakiciye de oyapapi kin hena nicincapi winyan owasin St. Mary's ed yewicayayapi kinhan iniwaštepi kta qa hena tokata winyan woonspe wašteŋe yuha icagapi kte.

Iho miye, Okodakiciye wakan wayawa tipi kin he owasin ed sanpa eunwacinpi kte, qa tukte ohna sanpa tanka qa wašte kte kin he unkuwapi kte. Hecen sanpa wašte qa sanpa wikoška ota hetanhan woonspe wašteŋe yuha hdinapapi kinhan unkiye oyate kin hena unkiye oyate kin hena unkiwaštepi kte. St. Mary's ed waun kin he ehan token wocekiye eciyatanhan waonspemakiciyapi kin hena dehand imawašte, qa awicakehan pidamayanpi. Hecen unkieincapi hena Christian wašte icagapi kta unkuwapi kta, qa St. Mary's hed hena wocekiye eciyatanhan onspewicakiciyapi.

Qa nakun taku wanji ed nina euntonwanpi kta iyecece kin he wayawa tipi kin he awicakehan teunhindapi kta iyecece.

Mary H. Mitchell.

WOIMAGAGA

St. Mary's en wicincana unyakonpi kin woi-magaŋa ota unyuhapi. Oiyokipi kin dena on tona den unpi owasin iyuškinpi. Wayawapi ohakam woškate on woecon kin wicoyokipi.

Wayawa ayušanpi ohakam decen woškate econqonpi. Inahbekiciciyapi, wapaogena ehpeyapi, nom inajinpi qa okicieuwa okiciyutan. Anpetu iyohi wayawa ayušanpi ohakam wihiyayena 4.00 sam duzahena 5 kinhan tankad unkiyayapi qa duzahena 15 itokam 5.00 hehanyan tankad unyakonpi. Anpetu osni kin hena en unškataŋi ŋni omani unkiye ecee. Nakun kicicopi unyuhapi tka Akihaniciyapi en econpi ŋni. Owanka yujajapi hitayetu en econpi qa tankatanhan wanjikji wicunukicopi ecee. Tokaheya woškate unyuhapi hehan Miss Du Bray's candowankiye ohna wanneipi. Wihiyayedan 9.00 ecetu hehan wauntapi qa ake cistiyena wanneipi qa enakiyapi.

Tona kicicopi owasin iyokipipi ecee. Iyotan Hallowe'en, Valentine, qa Omaka Otehika hena en hena woškate kin nina oškiškeya unkaŋapi, token woškate owanyake oiyokipi kta ohna ayucoya piunyanpi, unma oškate iyecece ŋni.

Tohan woškate unyuhapi ŋni hehan dowankiyapi qaiš candowankiyapi on wanneipi ecee, unmanpi kin hena onge wowapi yawapi, nakun parcheesi qa flinch škataŋi, tona wowapi yawapi kin hena tohan okan eca wowapi yawapi, qa unma wowapi kansu škataŋi kin hena wicokaya en qaiš wayawa ayušanpi hehan econpi ecee.

Tukten škanškan wapazopi ekta wanyag unkiyi, hena tuwe kaša iyokipipi. Hehan Southern State Normal en Wohdakapi qa dowanpi hena naunhonpi ecee. Dena wiciyokipi qa woonspe etanhan unkieupi.

Woonspe tipi de en woimagaŋa ocaŋe kin dena owicawašte qa wiciyokipi. Woonspe tipi de cistinna tka en woškate nina ota yuhapi. Wayawapi kin icunhan woškate dena on ŋkin-unkieipapi nakun wi unyuškinpi ecee.

Mildred House.